

Aralin

1

# MGA GAWI NG MAGSASAKA



## **Tungkol saan ang araling ito?**

Sa araling ito tatalakayin ang karaniwang gawi ng isang magsasaka. Malalaman natin ang mga gawi ng karaniwang magsasaka. Kung ano ang dahilan ay tatalakayin dito.

Layunin ng araling ito:


1. naiisa-isa ang gawi ng karaniwang magsasaka
2. nabubuod ang kwentong binasa
3. nalulutas ang suliraning pamilang






## Pag-isipan Natin

May dalawang paraan ng pagbubungkal ng lupa ang ating magsasaka, karaniwang nag-aararo ang magsasaka gamit ang araro at kalabaw.



Kung nakagiginhawa ang magsasaka gumagamit siya ng makinarya. Binubungkal ang lupa sa tulong ng traktora. Binombahan ng gamot ang mga halaman upang mapuksa ang insektong sumisira sa mga halaman. Binobombahan din ang mga damo upang mamatay ang mga ito nang hindi binubunot.





## Basahin Natin

A. Makalumang magsasaka  
kung ako'y tagurian  
  
Kinagisnan kong paraan  
ng pagsasaka di ko maiwan  
  
Maaaring dahilan, kaya ko lang  
bilhin ay araro't kalabaw  
  
Pamatay damo di ko mabili  
  
Nagtitiyaga na lang akong bunutin  
ang damo at ilagay sa pilapil  
upang kung mabulok  
pakikinabangan ko pa rin

Mga daga sa palayan di ko  
kayang lasunin  
Nagtitiyaga na lang isa-isa  
silang hulihin

Kung namumulaklak na ang aking  
palayan panakot ay gagawin  
para mga maya'y bugawin

Dahil malayo ako sa irigasyon  
Pagtatanim ko'y sahod-ulan lamang  
Kaya kung ulan ay maramot  
Di ko matamnan aking sakahan

Kahit ganito ang buhay  
ng karaniwang magsasaka  
Maligaya na siya  
Pagkat may pag-asang buhay



## Awitin Natin

B.

### **Magsaka ay Di Biro**

*(Tono ng Magtanim ay Di Biro)*



Pagsasaka ay di biro  
Di-tiyak ang iyong tubo  
Kung pangit ang yong binhi  
Ani mo'y kakaunti.

Lupa mong taniman  
Dapat na alagaan  
Patabang gagamitin  
Di makasisira sa pananim.

Halina, halina, tayo'y magsaka  
Taniman atin nang bungkalin  
Pasasaka'y atin nang pagbutihin.









## Alamin Natin

Mga sangkap na lubhang kailangan sa mga sakahan.




Pataba o  
Abono




Pagkukunan ng  
patubig



Pamuksa sa  
Peste



Matabang Lupa



Maganda at Piling  
Binhi

### C. Kwentahin

1. Bumili ng kalabaw si Mang Jose. Php 21,000 ang halaga nito. Ginamit niya sa kanyang sakahan. Umani siya ng palay na nagkaka-halagang Php 40,000. May pinagkagastusan pa siya ng halagang Php 1,500. Magkano ang tinubo ni Mang Jose?
2. Nakautang si Mang Jose ng Php 600 habang hindi pa umaani. Magkano ang natira sa pinagbilhan ng ani?
3. Kailangan ni Mang Jose ng Php 25,000 puhunan sa pagsasaka sa panahon ng tag-ulan. May Php 10,000 na siya. Magkano pa ang kanyang kakailanganin?



## Alamin ang inyong natutuhan

- A. Isulat sa sagutang papel ang (✓) kung tama ang pangungusap at ekis (✗) ang maling pangungusap.
- \_\_\_\_\_ 1. Araro at kalabaw ang karaniwang gamit sa pagsasaka.
  - \_\_\_\_\_ 2. Kemikal ang ginagamit ng Likas Kayang pagsasaka bilang pamuksa ng kulisap.
  - \_\_\_\_\_ 3. Dumi ng hayop at maging lupang damo ang abonong gamit ng karaniwang magsasaka.
  - \_\_\_\_\_ 4. Sahod-ulan ang gamit ng karaniwang magsasaka.
- B. Piliin ang pahayag na ginagamit sa organikong pagsasaka.
- \_\_\_\_\_ 1. Pagbobomba ng lason sa palayan.
  - \_\_\_\_\_ 2. Paglalagay ng abonong galing sa compost pit.
  - \_\_\_\_\_ 3. Sahod-ulan ang gamit ng karaniwang magsasaka.
  - \_\_\_\_\_ 4. Pagsasabog ng abonong may kemikal.
  - \_\_\_\_\_ 5. Inaararo ang bukirin kasama ang dayaming pinag-anihan.
- C. Itala ang ginawa ng karaniwang magsasaka.
- Hal. Hinuhuli ang dagang bukid.